



Data: 22.02.2019

Ref.: 302/19 D

Në mbështetje të Nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

V E N D I M

1. Tërhiqet akreditimi i programeve të studimit të Kolegjit Globus si më poshtë:
 - 1.1 Biznes dhe Menaxhment, BA, 180 ECTS, (dega në Podujevë), dhe
 - 1.2 Biznes dhe Menaxhment, MA, 120 ECTS (kampusi në Prishtinë).
2. Ky vendim hyn në fuqi me nënshkrimin e tij.

Arsyetimi

Këshilli Shtetëror i Cilësisë (tash e tutje KShC) me qëllim të përmbushjes së obligimeve ligjore dhe me qëllim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroj mospërmbushje të kriterëve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoj me tërheqje të akreditimit.

Pas deklarimit të stafit akademik të IAL-ve sipas Nenit 30 të UA për Akreditim, AKA ka filluar me verifikimin e dokumentacionit të tyre me qëllim të konfirmimit të plotësisë apo jo të kriterëve ligjore për secilin program të studimit. Në mbledhjen e mbajtur me 15 dhe 16 janar 2019, KShC analizoj në detaje të gjithë dokumentacionin e secilit staf akademik të vendosur si bartës të programeve nga Kolegji Globus. Pasi analizoj të dhënat rreth numrit të stafit dhe fushat e studimit për secilin program të studimit, KShC vendosi si në dispozitiv të këtij vendimi.

Sipas pika një (1) të nenit 21, të UA për Akreditim, "AKA e rezervon të drejtën të monitorojë dhe të kontrollojë cilësinë e institucioneve të akredituara në çfarëdo kohe me paralajmërim". Sipas pikës dy (2), "AKA mund të rishqyrtoj akreditimin e dhënë në çfarëdo kohe dhe/apo më pas të tërheq vendimin e sajë për akreditim nëse kushtet e dhëna me rastin e akreditimit janë shkelur".

Ndërsa sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: "Për programet e studimit të cilat shpiejnë deri tek marrja e një diplome

shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

Në Nenin 30 të Udhëzimit Administrativ për Akreditim, thuhet: *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”*, pra IAL janë të obliguara që të deklarojnë stafin akademik më së largu deri me 31 tetor 2018. Sipas pikës 3 të Nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”.*

1. **Për programin e studimit: *Biznes dhe Menaxhment, BA, 180 ECTS, (dega në Podujevë)***, si bartës të këtij programi Kolegji Globus ka paraparë këta persona: Donika Dabishevci , Shpetim Reznici dhe Xhemë Lajçi.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpiejnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”*

Ky program ka 180 ECTS dhe rrjedhimisht sipas Nenit 26, pika 5.3.4 dhe 5.3.9 e Udhëzimit Administrativ për Akreditim, për këtë program të studimit Kolegji Globus, duhet të ketë te paktën tre staf akademik me gradën akademike *PhD* me marrëdhënie të rregullt të punës nga fusha e programit të studimit.

Pas kontrollimit të dokumentacionit rreth kualifikimit të stafit akademik të vendosur nga Kolegji Globus për programin e studimit, *Biznes dhe Menaxhment, BA, 180 ECTS, (dega në Podujevë)*, është konstatuar që stafi akademik nuk i përket fushës së programit të studimit. Donika Dabishevci me PhD në Letërsi, Shpetim Reznici me PhD në Ekonomi, profili Financa, ndërsa Xhemë Lajçi me PhD në Teknologji dhe Mikrobiologji e Ushqimeve, Vlerësimi i Sigurisë dhe Cilësisë. Bazuar në dëshmitë e kualifikimit është konfirmuar që Donika Dabishevci PhD në Letërsi dhe Xhemë Lajçi PhD në Teknologji dhe Mikrobiologji e Ushqimeve, Vlerësimi i Sigurisë dhe Cilësisë nuk i përkasin fushës së programit të studimit *Biznes dhe Menaxhment* dhe së të njëjtit nuk mund të jenë bartës të këtij programi.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit akademik për këtë program të studimit sipas pikës 5.3.4 të Nenit 26 dhe bazuar në pikën dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Biznes dhe Menaxhment, BA, 180 ECTS, (dega në Podujevë)*.

2. **Për programin e studimit: *Biznes dhe Menaxhment, MA, 120 ECTS***, si bartës të këtij programi Kolegji Globus ka paraparë këta persona: Skender Bublaku dhe Ymer Shatri.
Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të*

studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

Ky program ka 120 ECTS dhe rrjedhimisht sipas pikës 5.3.4 të Nenit 26, të referuar më lartë, për këtë program të studimit Kolegji Globus, duhet të ketë të paktën dy staf akademik me gradën akademike PhD me marrëdhënie të rregullt të punës nga fusha e programit të studimit.


Pas kontrollimit të dokumentacionit rreth kualifikimit të stafit akademik të vendosur nga Kolegji Globus për programin e studimit, *Biznes dhe Menaxhment, MA, 120 ECTS*, është konstatuar që stafi akademik nuk i përket fushës së programit të studimit. Skender Bublaku është PhD në Gjeologji dhe Miniera, ndërsa Ymer Shatri është PhD në Ekonomi dhe Agrobiznes, profili: Financa dhe Kontabilitet. Bazuar në dëshmitë e kualifikimit të Skender Bublaku, konfirmohet se është PhD në Gjeologji dhe Miniera, fushë kjo që nuk i takon fushës së programit të studimit *Biznes dhe Menaxhment, MA* dhe së i njëjti nuk mund të jetë bartës të këtij programi.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit akademik të fushës së programit të studimit sipas pikës 5.3.4 dhe bazuar në pikën dy (2) të nenit 21 të Udhëzimit Administrativ për Akreditim, të tërheq akreditimin për programin e studimit *Biznes dhe Menaxhment, MA, 120 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në Nenin 128 të LPPA, në afatin prej 30 ditësh nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- BPrAL Kolegji “Globus”;
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

